

ANERSAARTORNERUP EQQISSILLUNI NIPAATSUMIK
EQQARSAATIGINERA

(15 minutsit missaanni – aappalaartumik allassimasut oqaatigineqassanngillat)

Pissusissaatut qasukkarlutit ukkassinissamut isikkatit natermut tutsillugit ingilluartiternissamut imminut piffisalerit. Eqqissilluni nipaatumik eqqarsarnermi qanoq issianerput annertuumik sunniuteqarsinnaavoq. Qasukkarluta issiassaagut qimerlupput napparissillugu tuigullu qasukkartillugit. Issiviup iigarfianut iigarnani -iluarigukku qiti timillu ilusaa nappaarissillugu issianeq iluaqutaasinnaavoq. Issianeq ataqqinninnermik ukkassinermillu takutitsisoq taamaakkaluartorli qasukkarnartooq illillu iluarisat nassaariuk. Tallut tunuaamisissinnaavat. Piffissarlu sivikitsoq atoruk qasukkarluni ukkassinernerup malugisinnaalernissaanut .

Iluarusunnarnerpaatut nalilikkat naapertorlugu uisasinnaavutitsequnngingasinnaallutilluunniit. Sungiusarnermi taamaattuni uisanissat sequnnginganissalluunniit immaqa misilerarsinnaavat. Isummanni timinnilu susoqarnera ukkalluarsinnaajumallugu sequnngingallutit misiliineq aallarniutigigukku pitsaanerussinnaavoq. Ilinnulli pitsaanerpaamik iliuuseqassaatit. Uisaguit isitit sallaatumik saanni natermut naatikkit, taamaalillutit aalajangersimasumik isigisaqanngikkaluarlutit nakkussisaatit.

Nipaatumik eqqissilluni eqqarsarnermi aatsaanngummat oqaatigineqartut suliarisinnaanissaanut siviuserusunik sivikinnerusumilluunniit unillatsiartassaatit. Eqqaamajulli ilitsersuutip malinnissaanut pisussaaffeqartutut misiginngisaannarnissat, illit nammineq killissarititavit ataqqinissat imminullu tungiorinissat pingaaruteqarpoq. Unillatsiarnissat pisariaqartikkukku uinnassaatit eqqallu alaatsinaallugu, immaqa nikuissinnaavutit ilinnullu ajunngippat ingeqqillutit ilitsersortinneq nangeqqillugu.

Maanna akornuteqanngitsumik anersaartorsinnaajumallutit naatit qasukkakkit. Kiinnanni alleqqunni tuinni tunusunnilu nukiit qasukkakkit. Eqqarsaatit isumassarsiallu ullumikkut nassatarisatit sapinngisat tamaat iperakkit. Qanga pisimasut eqqarsaatingiunnaakkit siunissamilu pisussat pillugit eqqarsaatit erumassutillu iperakkit. Sivikitsumik massakkorpiaq pisumiitsiarsinnaanissamut imminut periarfissinnaanersutit paasiniauk.

Akornuserneqartussaajunnaarlutit imminut piffissalerputit. Sunaluunniit isummanni takkutissagaluarpat, naliliiviginagu naapiguk suulli tamaasa–

sapinngisat tamaat taamaatsiinnakkit. Imminut inussiarnersumik soqutiginnittumillu pissuseqarputit.

Ukkassinerit maannakut timinni malugisannut tutsissinnaavat.

Isumarput sumiikkaluarpat timerput taannaajuarmat, ukkassinitta timitsinni malugisatsinnut tutsinneragut, masakkorpiaq sumiiffitsinnut, pisumiit pisumut pinissatsinnut ikiorsinnaavaatigut .Issianinni timivit oqimaassusaa timivillu issiavimmut natermullu attuumanera maluginiaruk. Atisavit timinnut malunnangingajattumik attuumanerat imaluunniit silaannaap assanut kiinnannulluunniit sunniunna immaqa malugisinnaavatit.

Maanna ukkassinerit tamakkiisoq anersaartorninnut saatissavat. Ilummut silammullu anersaartornerpit kanajaammik qaffatitsisarlungu appatitsisarnera immaqa malugisinnaavat. Ukkassininnut iluaqutigisinnaagukku assat naannut ilisinnaavat taamaalillutillu qaffattarnera appatarneralu malugalugu. Imaluunniit toqqarsinnaavat ukkallugu sorluuit akornat malugalugulu silaannaq timimi ingerlaartoq timimiillu anillaattoq..

Aalajangersimasumik anersaartorniarsarissanngilagut – timit pissusissaatut anersaartortiinnaruk. Timit aalajangersimasumik malussarfiussanngilaq. Anersaartornerput maluginiaannassavarput misigisarpullu sapinngisarput tamaat naliliviginagu allanngortinnagulu.

Anersaartornerpit maluginiarnerata ersarinnerpaaffia immaqa nassaarisinnaassavat, sapinngisallu tamaat taanna ukkaguk. Anersaartornerpit timinni maluginera malinnaaffigiuk, illummut silammullu anersarnerit tamaasa allanngorarnera immaqa malugissavat. Ilummut silammullu anersarnerpit akornanni illumullu anersaaqqinnginnermi annikitsumik unillatsiartarnek immaqa malugaat.

Maanna anersaartornerit ukkallugu issiavutit- illummut silammullu anersaartornerit ukkassinikkut malinnaaffigalugu.

Anersaartornerput ukkallugu maani issianitsinni, ukkassinerput allaqqunneqarsinnaanngitsumik allamut ingerlaassaaq. Tamanna pissusissamisoopoq, tassaavoq isummatta ileqqua. Ukkassinerit eqqarsaammit, misigissutsumit imaluunniit malussarsinnaassutsimit pisarineqartoq paasigukku, maluginiaannassavat. Immaqa allaat qajassuartumik imminut oqarfisinnaassaaitit: ”Massakkuunngitsoq”, eqqarsaat isummannit

iperartiguk ukkassinerillu tulliani anersaarnissannut utertillugu. Eqqarsaatit allamut ingerlaarpata imminut avoqqaarinissamut pissutissaqanngilatit.

Eqqarsaatinit allanit timinniluunniit malussarninnit anersaartornerit ukkakkunnaarlugu paasigaangakku, sapinngisat naapertorlugu qajassuartumik tungiuisumillu alapernaassutsit misigisannut saatissavat. Taava anersaartorninnik ukkassininnut pisumiit pisumut utertiguk.

Maanna ukkassinerit sumiippa?Ukkassinerit anersaartorninniit qimaguppat uteqqiinnassaaitit.

Anersaartorneq kitsatut, pisumiit pisumut – anersaarnermiit anersaarnermut nikinnginnissatsinnut soqutiginninnissatsinnullu iluaqutaasinnaavoq.

Maanna issiavutit anersaartornerit ukkallugu. Imminut inussiarnersumik pissusilersorfigalutit issiavutit isummannilu misigisaq massakkorpiaq puttuttoq naliliiviginagu isornartorsiornagulu ammaffigalugu tungiorpat.

Suut tamassa taamaatsiinnassavatit, illilli maanna issiavutit tamakkiisumik ilummut silammullu anersaartorlutit.

Maanna issiatsiarit anersaartornerillu ukkallugu.

(Piffissaq ingerlatiinnarli minutsit 15-it missaasa qaangiunnissaasa tungaanut–unillatsiarneq minutsit marluk sinnerlugit sivisussuseqarpat oqaaseqatigiit uku oqaatigineqarsinnaapput: ”Maanna issiavutit anersaartornerit ukkallugu, allamullu eqqarsaatitit saassimasut paasigukku uterit.” Tamatuma kingorna naggasiummik ilitsersuitinnani sivikitsumik unillatsiartoqassaaq:)

Maanna nipaatumik eqqissilluni eqqarsarneq naammassingajalerparput. Suliaq naammasseqqammikkat pillugut imminut akuerinissamut piffissaq annikitsoq atorsinnaavat. Ukkassisinnaassutsinnik sungiusarsimanagerit pillugu imminut akuersaarsinnaavutit, ukkassinerillu taanna tassuugu ullut nangeqqinnialerukku nassarsinnaavat.

Maanna uissinnaanngorputit, aalalaarsinnaanngorputit avatangiisitillu alaatsinaallugit.